

韓大中丞奏議

少司寇仁和韓公奏疏序

嘗思言語偕政事同科而政事之包於言
語者其傳後世愈難其功業與文章
並重而文章之表著功業者生經世益
信而有徵是以元祐歐蘇都饒經濟
用元祐宋風擅詞華然廣平燧梅花
疎艸早焚柱臥內香山著長苔鴻文
不見於集中後來有以功業著文章

傳政事於言語有倫有要立德立言
如我

少寇夫子仁和少者也夫子幼卽攻難
長尤俊茂紋螺在掌璣象垂胸明經
則許慎無雙芹官早躡射策而都
說第一桂府先登以比部之仙郎作綱
曹之妙選白雲司好鄭都官鳳檀寸名
黃沙獄成宋屯田總司秋憲終登熊軾

卽晉豸衣時也崔苻小醜窺伺宸垣
桴鼓餘聲遙傳宮禁 少首擒大猾
力挾神奸師不漏於多魚計已成於博究
天子深嘉明察

楸賞應能孔翠羣翔金貂乍珥由是
游升方伯晉權中丞玩月蘇臺採梅
鄧尉當絳節甫臨之會正俗流模決之
時 皇上請帑金下籌輸粟會計者三百餘

萬金活者四十七州真不愧人在鏡中遂使
更行冰上惟見蕪城秋色扶爽氣而蕭
瑟深瓜步寒潮過黃流而嘈啗愈壯

出獻賈讓之三策臨鑿先增導神禹之
九河決排是用於是清流五鏡舟人有
飛渡之歡握算如神胥吏絕侵漁之弊
而且學于出之治獄民自無冤心劉晏
之轉輸君原自足置飛雪將上納銀赤

陳華安良孫黜浮囂之吏卹商祿國先
嚴抑勒之條夾袋人材呂蒙正之丰裁可
想出門桃李狄仁傑之正大堪師而卒之河
渠收指臂之功國士受股肱之寄薦賢為
國舍己保人綜覈之才陶侃似之宏獎之
德管仲悅之矣况以江右揚鞭涉却駐
節軫求民瘼不改移心以南贛之鄉民秉
壯方之風氣帶牛佩犢不意藝遂科

係竊玉販珠且犯宏羊明禁 公乃以文出
之保甲訓周子之遺民故能崔鼠隨風鷹
鷂害化人但知 公所行之善終不知 公所
學之深也 公畢世敷施都形章奏等身
著心不尚詞華蘇東坡郵治萬言仁宗
尤親為敬睦董仲舒天人三策孝武且為
主勅宏論水利公朗若列眉說治注剡
瞭如指掌獨是楊依也自甘韜晦不示視

知魏徵又不付史官陳藏器是以少之
詩又天下誦之而出之奏牘天下里之今者
餘光耿天必大星之已隕斯文不墜賴小子
之幸存爰召賢於何承寧學無魚錦王
綰系蒙山爰分勸榮修用寄師摩雅
興付法剗剗郵示賓僚馨少采芝雲不
出畱侯門下壯登柏府又為德祐同安愧
衣絳之難傳忠懷伊呂善簡編之尚在

如兒皋夔嗟嘆一代功名已成往事子烱
勳業尚存遺編馨願 小亭觀察坐領
封圻再得堂開畫錦載法簡畢依絃鏡
歸冰心重刊賈子成奎又屬長公作序淡
蘇過斜川之集居然恠美老永銘王輩
三槐之堂倍覺緬懷文正

賜進士出身甘肅布政使門下士儀徵張
集馨撰雲氏拜手謹序

韓大中丞奏議

受業

王滌源

編次

徐耀

次孫泰
華敬錄

卷之一

目錄

謝賞大清會典疏

審擬碭山縣民鄭平京控疏

勘估徒陽運河疏

請疏浚瓜洲河道疏

查明泰屬場竈疏

審明桃源縣文生張承庸京控疏

嚴緝匪徒逸犯疏

請撥濟耗羨不敷銀兩疏

請私稭並納疏

漕船請改道行走疏

審明叅員稟訐知府同知疏

請修碭山縣護城隄工疏

審擬阜寧縣民吳超宗京控疏

特叅疎脫要犯之知縣典史疏

請展緩徐海等屬糧賦疏

審擬阜寧縣民李宮京控疏

謝賞大清會典疏

奏為恭謝

天恩仰祈

聖鑒事竊臣蒙

恩頒賞

大清會典全部臣恭設香案望

闕叩頭祇領跪展之下榮感欽佩誠忭莫可名言

欽惟我

皇上德協苞符

道隆疇範

煥一代昭明之治同軌同文承

列聖制作之精可大可久

會歸有極爰告成以

畀

一人

典常作師用

垂式以昭四海竊惟典者常也乃經世宰物之準
會者歸也寓因宜制作之思治以監古為先官
禮本睢麟之精義禮以因時為大豐岐開鎬洛
之宏規自來前世之憲章必合衆長之編緝長
垂載籍用集大成溯

本朝

肇迹開基久具規模於

幽館際

聖祖重熙累洽彌彰美備於

虞廷初續於雍正甲辰分纂於乾隆丁卯固紀綱之
悉具誠經曲之咸該迨丙辰

授

受上儀

禮超千古至辛酉編摩

申命典乃四修於是部次州居標十有二門之目條分

縷析踰一千餘卷之多欽

作聖與

述明善之又善纘

顯謨以

承烈醇乎其醇

皇上以

成憲之恒宣喜全書之告歲爰刊百部

特賜羣僚穆乎

紹

庭

繩

武之心貫

後

先而合揆皇哉一道同風之盛布中外以咸知臣職在

承流學慙數典忝膺疆吏謬荷

恩榮喜窺未見之書捧來

天上親見

太平之象溢自寰中浩若望洋愧蠡測管窺之難
竟循如有矩愿繩趨尺步之恪遵所有微臣欽
感榮幸下忱理合繕摺恭謝

天恩伏乞

皇上聖鑒

審擬碭山縣民鄭平京控疏

奏為遵

旨審明定擬具

奏事竊准刑部咨江蘇碭山縣民鄭平赴京呈控
該縣辦賑不公委員刪減戶口並戶書勒扣廠
費等情奏奉

諭旨此案着交孫玉庭魏元煜親提人證卷宗秉公
審訊如果該委員於造冊時有任意刪減戶口情

弊以致戶書藉端勒扣卽行據實嚴叅懲辦按律
定擬具奏原告鄭平該部照例解往備質欽此並
據前途將原告鄭平一名遞解來省卽經臣孫
玉庭暨前撫臣魏元煜先後飭提人證卷宗及
放賑戶口底冊飭發江寧藩司督同首府確核
訊供解勘去後嗣據查訊鄭平供指魏如松係
蕭縣人不應在場喫賑又賑冊石禮一名並無
其人指為書吏舞弊轉將應賑之人刪減當經

飭查補提人證茲據兼署江寧藩司湯藩督同
加道銜江寧府知府余需元江浦縣知縣王煥
提齊冊證審明詳解前來臣魏元煜調任赴淮
臣韓文綺覆核該司等所訊情節已明知會臣
孫玉庭就近親提覆審隨即提集人證逐加研
鞫緣鄭平籍隸碭山縣道光元年該縣境內秋
禾被淹經前署縣楊宗智稟蒙

奏准隆冬乏食貧民賞給一月口糧向辦章程賑

恤口糧與例給大賑不同查明實係無業乏食
貧民及鰥寡孤獨老幼婦女方准入冊每莊內
家有儲蓄貿易經營之戶及一戶內少壯力可
謀生之口皆應剔除不容混冒經該前縣楊宗
智出示曉諭鄭平所住之保安里戶口派委候
補未入流汪英承查鄭平夫妻子女本係五口
有弟鄭珍鄭仲先已分居各爨汪英將查明鄭
珍鄭仲兩家分戶人口入冊給票至鄭平家察

看情形因其兩子皆已成丁同鄭平三口力可謀生照向定章程剔除將其妻女二口准與入冊候給口糧鄭平求添戶口該員以不能冒濫未允所請又有原籍邳州流寓碭山已經六年之石禮一戶實在貧難並有該縣魏家莊與蕭縣交界莊東歸蕭縣所管莊西歸碭山所管有住莊西之魏如松一戶亦係貧難俱經委員查造入冊給票嗣該縣領銀到縣出示曉諭並報

明按照市價每銀一兩易錢一千文設廠開放
鄭珍鄭仲與同里之常楷王有上等十五戶為
雨雪所阻託鄭平代領鄭平赴廠尚未領錢先
見石禮魏如松俱在彼關領口糧不知石禮流
寓已久兼未悉魏家莊莊西係碭山所管誤會
兩人皆不應在碭山喫賑疑心委員與書吏有
舞弊情事因有北上探親之便起意京控隨將
鄭珍等託領之票及自己一戶共賑票十六張

攜帶進京藉伊名未入冊指稱委員書吏舞弊
刪減口數裁莊裁戶並因收有賑票未領裝點
書吏勒扣廠費等情用京錢四百文央測字人
寫就呈詞在刑部衙門呈控奏奉

諭旨交臣等審辦茲提齊冊卷人證逐一查訊供悉
前情誠恐查賑委員有意從苛刪減戶口並恐
書吏放錢實有剋扣廠費情弊再三嚴詰據委
員汪英供稱辦理口糧非大賑可比每莊內如

家有儲蓄及力可謀生者實非無業乏食貧民均不敢稍有冒濫此係向辦章程經縣出示曉諭有案並非故意從苛將應賑之人刪減不給至所指書吏扣費一節嚴訊縣書李遐齡等據稱本縣開放錢文將每兩易錢若干先行示諭兼有委員監放先期將制錢盤准穿紮並無小錢缺數臨時驗票照放衆目昭彰本縣不時往來稽查焉有剋扣之理如果按口勒扣廠費則

領銀貧民有二千六百餘戶何以衆皆甘默獨
鄭平一人出控呢只求詳情等語復質訊關領
賑錢之石禮魏如松等亦稱並無每大口扣錢
二十文小口扣錢十文之事詰訊鄭平自認妄
控不諱再三嚴詰各供不移案無遁飾查鄭平
所控刪減戶口今訊明實係力可謀生不應給
賑之人其貧難無力者皆經入冊給與口糧其
散放錢文亦無剋扣之處是委員書吏並無情

弊鄭平輒挾一人之私赴京飾控雖所告減口
情出有因而於所控舞弊裁莊扣費均未得實
鄭平應照申訴不實杖一百律杖一百折責發
落常楷王有上等為雨雪所阻託令鄭平代領
賑錢應與訊未舞弊扣錢之書吏李遐齡戚正
祥李錫藩李錫疇李廣來陳績庭施得士縣役
莊勇地保康仲義及應給口糧之店禮魏如松
等俱毋庸議委員汪英訊未減戶裁莊其不准

鄭平添給口糧係遵照章程辦理並無不合亦毋庸議寫詞不識姓名測字人請免查緝時已過期呈出賑票十六張毋庸補給應請塗銷扣存之銀飭縣解繳除備錄供招送部外所有此案審明定擬緣由謹合詞恭摺覆

奏伏乞

皇上聖鑒勅部議覆施行奉

硃批刑部議奏

勘估徒陽運河疏

奏為勘估徒陽運河挑撈工段銀數恭摺具

奏仰祈

聖鑒事竊照鎮江府屬丹徒丹陽二縣運河為江浙
兩省漕船經由要道該處河面窄狹水無來源
全賴江潮灌注每日潮溜挾沙而行水去沙停
易致淤淺定例於每年回空過竣後擇淺挑撈
屆六年大挑一次以利漕運本年輪屆小挑所



有江浙回空漕船已於十月二十日全行渡江
進口陸續歸次先經護撫臣玉輅恭摺

奏報在案臣抵任後卽飭該道府將勘估應挑工
段趕緊簽樁煞壩一俟底水將次車涸報候詣
勘去後茲據常鎮道王賡言署鎮江府福隆阿
詳報督同丹徒丹陽兩縣逐段測量勘估丹徒
縣境內自江口起至丹徒橋上止河長三千七
百五十五丈節節淤淺應行估挑又江口壩外

淤灘挺入河心並鴨蛋行至猪婆灘小奶下等處南北兩岸俱有陽灘共長四百九十五丈應於挑工之外繞行估砌又壩外淤灘難以築壩興挑應同間段零星淺澁之東壩等二十一處共長一千四百二十丈俱應一律估撈統計挑撈砌灘築壩及修換閘板繩索等項估需銀一萬一千三百四兩八錢六分五釐又丹陽縣境內河道寬平潮流稍緩受淤較輕毋庸估挑惟

定山灣等三十六處共長二千零十丈間段淺
澁應行估撈計需夫工銀一千五百九十六兩
合計各工通共估銀一萬二千九百兩八錢六
分五釐由蘇州藩司玉輅詳請動支樂生洲租
息銀五千八百一十二兩五錢三分一釐不敷
銀七千八十兩三錢三分四釐請於司庫存公
銀內動給趕辦等情並據該道府稟報煞壩岸
水將次車涸臣卽於十一月十六日自蘇起程

前赴鎮江查勘挑撈工段均與道府等估報相符復將原估各段丈尺逐一標立誌椿加封灰印以杜偷減之弊並責成該道府親駐工所嚴督各工員趕緊挑撈勒限於十二月望間全行歲事仍於工竣未啟壩三日前先行具報以便臣親往驗收如查出挑撈寬深丈尺與原估標誌不符卽當據實叅辦總期一律深通以利重運除查取土方夫工細冊另行分別具

題咨部外所有勘估徒陽運河挑撈工程情形謹
會同協辦大學士兩江總督臣孫玉庭合詞恭
摺具

奏伏乞

皇上聖鑒奉

硃批知道了如有草率偷減諸弊卽據實嚴叅毋稍
徇隱

請疏浚瓜洲河道疏

奏為江都縣瓜洲河道年久淤墊亟應疏浚深通
以便商民船隻利涉渡江仰祈

聖鑒事竊揚州府屬所轄瓜洲地方為南北通衢
往來要道東門外舊有通江內河一道口門直
對鎮江運口江面約寬三里無溜平水從前官
民客商船隻往來多由此河出入渡江一帆徑
過內通東水關達於城內天池河由閘北上窳

為便利因歷年久遠未經挑浚漸形淤塞又加
運河水漲以及江潮往來淤土停積遂致全河
閉塞竟成平陸通年商民等船水小之時須從
大口歷廻瀾壩查子口等處渡江多涉二十里
江面漩湍湍急常有傾覆之事即遇江潮水大
由小口渡江雖近十里亦有金山等處漩湍一
遇逆風甚屬危險前據江都縣知縣陳文述詳
據該處紳耆人等籲請挑通舊河以便商民船

隻仍前由鎮江運口對渡不特少涉江面二十
餘里以免疎虞又可避重空漕船出江擁擠而
附近民田菜地亦得藉資灌溉卽遇潮水盛漲
下注又多一宣洩去路洵為一舉而數利俱備
實為必應挑辦之工該縣親歷勘估自拖橋起
至江口止共長八百六十丈挑深尺寸以拖橋
石底為度搏節勘估實需土方夫工銀二萬二
千六百四十八兩五錢二分二釐七毫應請籌

欵給發興辦俾資利涉等情經臣孫玉庭前撫
臣魏元煜批飭藩司委員覆勘並酌籌銀欵議
詳去後嗣據飭委揚州府總捕同知許文綬勘
覆該河久未疏挑兼係逐段淤結已成平
陸挑挖匪易所有冊估土方均屬撙節按則確
估委無浮多應請撥項趕挑由揚州府覆勘加
結詳轉到司經兼署藩司江安糧道湯藩查明
該河實係官民商船渡江利涉要津自應准其

興辦應請於招變新淤灘地充公項下動撥挑
浚現查江屬有蘆州縣解存司庫充公灘價銀
一萬四千八百五十一兩五錢二分九釐並移
查蘇藩司庫收存徒陽招變灘價銀七千三百
四十兩六錢五分九釐通共存銀二萬二千一
百九十二兩一錢八分八釐較原估銀二萬二
千六百四十八兩五錢二分二釐核計僅不敷
銀四百五十六兩三錢三分四釐為數無多應

奏
卷一
令該縣先行墊辦完竣俟續收灘價卽行撥還
兩無懸誤詳請具

奏前來臣等查瓜洲通江河道實為官民客商船
隻對渡京口利涉要津可避長江迴瀾波濤之
險既據履勘必應興挑所估土方夫工銀兩確
核並無浮冒合無仰懇

聖恩俯准在江蘇兩藩庫收存招變灘價充公欸內
動撥乘此冬令水涸趕緊興挑實於水利民生

大有裨益工竣飭委常鎮道驗收如有草率偷減立即叅賠總期工歸核實費不虛糜以副

聖主加惠商民至意除飭造估計冊結另詳具

題外謹會同江南河道總督臣黎世序合詞恭摺具

奏伏乞

皇上聖鑒

查明泰屬場竈疏

奏為遵

旨會同查明泰屬場竈措置安貼情形恭摺仰祈

聖鑒事竊臣孫玉庭前奉

硃諭朕聞淮南泰州分司駐東臺縣管轄七場該處
竈丁所煎之鹽交與運商發往各口岸銷售從前
口岸暢銷場商轉運較易是以竈丁隨時可以得
價尚不至流離失所近年以來各處私鹽充斥口

岸滯銷場商無力收買該竈丁藉鹽為生例不許越境私賣本處商人又不肯收該處竈戶多於居民全以前煎鹽為業鹽不能銷卽與災民無異聞有數萬人日赴官衙恃衆滋鬧場商紛紛閉戶而逃該縣令曾具稟詳上司未經查辦試思竈丁之煎鹽卽如農民之秋穫今旣商不能收官不為理無衣無食嗷嗷待哺況已屆嚴冬饑寒交迫倘別生事端卿等能任其咎乎為此密諭卿知將朕硃諭

另錄一紙着韓文綺曾燠閱看卿等和衷妥議相機措置務要貧丁安所不至事出意外則善矣勉之慎之欽此臣孫玉庭遵卽恭錄

諭旨密寄臣韓文綺臣曾燠查察妥議一面將該場竈積鹽業已收買情形先行

奏覆上紓

宸廑在案臣等跪讀

聖諭仰見我

皇上周悉寸隱

訓示明切不勝悚惶欽感之至臣等敢不和衷妥議
安置期無失所伏查場竈為商運根本泰州分
司所轄東臺境內七場除運商自立垣廩各場
臣曾煥業經督飭運司催令各商趕運現在並
無積鹽未收三竈惟東臺河垛丁谿三場皆係
場商立垣祇作交壩生意向歸場商收買交壩
再由運商轉運其所產顏色又次僅行口西及

上下江各口岸近年西省銷數尤滯以致該三場交易更少夏秋之間疊據分司場員及府縣稟詳調劑雖因有間歇之垣而亦由本年查察試船夾帶認真無從透漏未免竈情拮据是以八月間有該三場竈丁聚集場司各署跪求之事雖未恃眾滋鬧而嗷嗷喧嘩勢不能免誠如聖諭竈戶以前煎鹽為業鹽不能銷卽與災民無異臣孫玉庭臣曾燠前據各該員稟詳先於七月間

督飭運司錢寶甫撥銀六千兩發場收買一面
委員督催運商找清應歸場商尾課俾資接濟
嗣因三場進關積鹽較多前撥銀三萬兩不敷
濟買飭據該司錢寶甫商定自九月起至十二
月止計四個月照收買塞鹽之例每月發銀九
千兩仍將前發之六千兩分月扣回先於九月
十六日籌發兩月庫銀一萬八千兩又於十一
月十三日續發兩月庫銀一萬八千兩除扣回

前發之六千兩外前後共實發銀三萬六千兩
俱委員解交泰州分司承領轉發接濟收買竈
情已極安貼其有發買之鹽售出價銀仍畱作
本接買後鹽既無須再動庫項亦可期接續濟
售然在場收買尤須運商轉輸而運商之買運
全在口岸之暢銷現經臣等嚴飭所屬實力緝
私臣孫玉庭臣曾煥咨行江西安徽各處一體
嚴密巡緝近日岸銷漸有起色惟上下江綱食

各岸有額引滯銷之處亦有不數銷售之地若
拘泥定額徒使滯岸引積暢岸缺鹽殊於食課
兩誤業經臣曾煥會同臣孫玉庭請將滯岸積
引撥運暢岸濟銷已奉

旨飭交部議一俟奉准部覆即可裒益疎通並因輕
本倍運更為疎銷食課之源現已清理墊欠裁
省浮費核減科則以示招徠另摺備陳比聞運
商已有與該三場交易者是該竈煎鹽已有去

路況有官項為之轆轤轉運貧丁生計有資斷
無虞別生事端臣等仰荷

聖恩畀以重任於民瘼所關斷不敢稍存泄視所有
查明竈情籌濟安貼緣由謹合詞恭摺具

奏伏乞

皇上聖鑒奉

硃批覽奏甚慰

審明桃源縣文生張承庸京控疏

奏為遵

旨審明定擬具

奏事竊臣前准都察院咨據江蘇桃源縣文生張承庸呈控曳刀兇匪劉汝俊等刼殺二命砍傷多人縣官不為究辦等情一案奏奉

諭旨此案着交孫玉庭魏元煜親提人證卷宗秉公研審定擬具奏如果桃源縣知縣有意避重就輕

延不緝兇究辦卽行據實叅奏原告張承庸該部
照例解往備質欽此查此案先據該縣獲犯劉汝
池等審擬解省臣孫玉庭因首兇劉汝俊最為
要犯嚴飭縣營將該犯設法拏獲並獲兇器傷
人之張雙維等解蘇歸案審辦臣魏元煜調任
赴淮臣韓文綺莅任會飭臬司審明解勘前來
臣等先後親提原被犯證逐一研鞫緣劉汝俊
籍隸桃源縣與張承庸隣村居住素識無嫌嘉

慶二十四年六月十一日劉汝俊同族劉肆帙
有烟兩包往懇張承庸之父張直明價買張直
明嗔其硬派出言辱罵劉肆帙氣忿邀同劉汝
俊劉汝池劉肆西劉肆煥劉肆安前往理論致
將張直明張承庸張承璧張承憲毆傷張承庸
控驗提犯劉汝俊等避匿未到十二月二十六
日劉汝俊同素識之唱克儉包如英路過張承
庸莊前與張承業撞遇爭角唱克儉持刀向毆

張承業逃回喊同張承庸等將唱克儉挈獲解
究卽被劉汝俊包如英趕上奪回張承庸栗縣
勒提劉汝俊等仍各避匿嗣劉肄帙恐到官受
虧向張承庸賠禮處和張承庸因伊父張直明
等傷已痊愈亦卽允息該前縣查係事在

大赦以前將案註銷至道光元年九月初九日劉汝
俊同族人劉業恒劉業興並包如英在宋家集
向張承庸之弟張承璧張承儉買梨四個張承

壁因錢小欲換包如英不肯張承壁出言混罵
劉汝俊順取張承壁剖梨小刀戳傷其額顱左
腿張承壁用頭向撞又被包如英扯落髮辮一
綖經集上人勸散張承庸稟縣驗傷拏究劉汝
俊等逃避未獲十月十一日早劉汝俊同劉業
恒劉業興包如英潛回知縣差拏緊急不能出
頭劉汝俊起意糾人毆打洩忿因張承庸家弟
兄子姪人多恐難抵敵當與劉業恒商允分邀

其兄劉汝林劉汝池及劉汝林之子劉肄典劉
業恒之父劉肄西劉業興之父劉肄帙其弟劉
業秀清河縣人劉小滿同族劉肄安劉汝立劉
肄藻劉肄元劉肄喚及素識之周碩英周碩倫
唱克勤唱克儉楊東周張雙維莊立垂徐茂芳
許佐廷戴高衢戴遵衢戴鳳書時萬選並劉業
興包如英共二十九人同行卽於是日劉汝俊
等分攜鎗銃棍械並有徒手隨行者偕抵張承

庸家門首時張承庸外出張承庸之弟張承業等持械出迎卽在門口相鬪張承業施放火鎗打傷劉汝池左眉叢劉汝池負痛情急順用鐵鎗戳傷張承業左前脇楊東周亦用火鎗轟傷張承業左腮張承業之子張小碩持刀上前抵敵先被周碩倫用鎗戳傷左肋後被劉汝俊用鎗戳傷肚腹倒地維時張承庸之母張劉氏及伊弟張承璧伊子張培英其戚陳萃亭各出

喊救劉小滿用火銃轟傷張劉氏左腿張雙維
用刀戳傷張承璧左臙胸劉業恒用鎗戳傷張
承璧右膝左後脇唱克儉用刀戳傷張培英項
頸劉業興用鎗戳傷張培英胸膛左腿劉肄安
用稻叉戳傷陳萃亭左腿隨各分路逃逸詎張
承業張小碩傷重先後殞命張承庸報經該縣
分別驗訊詳緝先後拏獲劉汝池周碩倫劉肄
安並據屍親張六扭解時萬遠關淮清河縣移

獲戴高衢戴鳳書到案訊供通詳批飭緝審因
劉汝俊等逃匿先就現犯劉汝池等審擬解司
張承庸因首犯劉汝俊緝拏無獲其餘幫毆各
犯亦多在逃心懷痛忿隨以挾嫌糾殺兩斃四
傷並劉汝俊等係曳刀匪徒書差受規捺緝等
情具詞赴臬司巡撫控告飭緝未獲張承庸復
添砌情詞赴京呈控此係劉汝俊等挾嫌糾毆
致斃張承業等一家二命並傷多人之原委也

茲臣等提集犯證研鞫據各供認前情不諱質
據原告張承庸供明伊京詞牽控該縣書差張
楫堂等得錢捺紫朦縣避重就輕及劉汝俊等
係曳刀匪徒刼殺搶毀等情實係先因劉汝俊
等在逃希圖速獲從重究辦架詞砌控並無證
據不敢誣執覆詰各供如一似無遁飾查例載
聚眾共毆致死一家二命將率先聚眾之人不
問共毆與否擬絞立決為從下手傷重致死者

擬絞監候又例載因爭鬪將鳥鎗竹銃傷人者
民人發雲貴兩廣烟瘴少輕地方充軍又律載
刃傷人者杖八十徒二年各等語此案劉汝俊
因被張承庸具控差緝起意糾毆洩忿致張小
碩被該犯鎗戳致命肚腹張承業被劉汝池鎗
戳致命左脇均各斃命殊屬不法劉汝俊除用
刀戳傷張承璧輕罪不議外合依共毆致死一
家二命將率先聚衆之人不問共毆與否擬絞

立決張承業被在逃之楊東周用火鎗致傷左
腮腴傷甚輕淺亦非致命部位惟被劉汝池鎗
戳致命左脇深至透膜腸出其為此傷致死無
疑應以劉汝池擬抵劉汝池合依共毆致死一
家二命將為從下手傷重致死者擬絞監候例
擬絞監候秋後處決均照例先行刺字周碩倫
鎗戳張小碩不致命左脇傷輕不致於死應與
用標刀戳傷張承璧左肱肘之張雙維均合依

共毆人審係執持兇器傷人者發近邊充軍例
發近邊充軍劉滿卽劉小滿用火銃轟傷張劉
氏左腿合依竹銃傷人擬軍例發雲貴兩廣烟
瘴少輕地方充軍仍遵名例以極邊足四千里
為限照例刺字劉肆安用稻義戳傷陳萃亭左
腿查稻義係民間常用之器惟上有尖刃應照
律問擬劉肆安合依刃傷人者杖八十徒二年
律擬杖八十徒二年以上軍徒各犯分別定地

發配折責充徒劉肄煥時萬選戴高衢戴鳳書
卽戴了頭聽糾同往訊未傷人應各照餘人律
杖一百折責發落該縣書差張楸堂等訊未受
賄捺案弊混縱兇亦未得受張承庸錢文俱請
免議劉汝貴王喜墊訊未聽糾同行劉肄尚亦
無為劉業恒賣樹結交匪黨情事均毋庸議張
承庸控詞雖未盡實而所控殺傷二命四傷重
情均審屬非虛應免置議無干省釋張承璧張

培英張劉氏陳萃亭等傷均平復各犯兇器據
供遺棄免追逸犯劉業恒等飭緝獲日另結桃
源縣今調吳縣知縣萬臺訊無延不緝兇避重
就輕情事惟獲犯查辦未將火鎗火銃一並起
獲仍有失察處分其緝獲首犯已逾承緝初叅
亦應查議應請交部照例議處除備錄供招咨
部外所有審明定擬緣由謹合詞恭摺具

奏伏乞

皇上聖鑒勅部議覆施行奉

硃批刑部議奏

嚴緝匪徒逸犯疏

再正月二十日接准督臣孫玉庭咨開欽奉

上諭據孫玉庭奏探明虞城縣盧照常等商量滋事
卽被兵役將盧照常廉方成殲除餘黨俱已逃竄
等語江蘇徐州所屬之豐縣碭山等處與豫省連
界現在首逆雖已伏誅逸犯尚未全獲着孫玉庭
韓文綺各選派員弁帶同勇幹兵役無分畛域嚴
密掩捕不可稍有懈弛等因欽此臣查前據徐州

府並碭山縣等先後探報虞城縣匪徒滋事殲
除首逆及逸犯未獲等情卽經飛飭文武員弁
嚴密防堵巡緝在案茲奉

聖諭遵復密飭該管府縣並移徐州鎮督飭兵役於
水陸要隘各處加緊查拏如有竄入未獲之犯
務期按名擒拏以淨根株所有現在嚴緝逸犯
緣由謹附片覆

奏伏乞

皇上聖鑒奉

硃批知道了

恭壽堂奏議

卷一

三

請撥濟耗羨不敷銀兩疏

奏為江寧藩庫耗羨不敷支放循照成案

奏請撥濟仰祈

聖鑒事竊據署江寧布政使湯藩詳稱江寧司庫耗羨項下每年支放文武養廉及部科飯食廩工等銀並一切無定經費款項全賴屬解地蘆各耗並運庫解到鹽規匣費抵支應用近緣江淮各屬額徵耗羨因災蠲緩徵解無多運庫積欠

鹽規匣費又奉

奏准全行分綱帶納計自道光四年甲申綱始有
解交所有現在應行找支道光二年及道光三
年分文武各官養廉以及各項廩工等銀在所
必需若不另籌接濟必致缺誤查江寧省嘉慶
十五十八二十五等年並道光元年耗羨支絀
請於河南江西蘇州等省協撥有案應請
奏明在於鄰近省分酌撥耗羨銀八萬兩解寧濟

用等情前來臣查江寧藩庫耗羨本款遞年歉收蠲緩徵解較少兼之運庫欠解鹽規匣費均經展緩停解以致司庫耗羨不敷支放係屬實在情形自應急籌撥濟惟有循照舊案仰懇

天恩飭令部臣在於鄰近省分酌撥耗羨銀八萬兩解交江寧藩庫以濟支放謹會同協辦大學士兩江總督臣孫玉庭合詞恭摺具

奏伏乞

皇上聖鑒勅部查照撥濟施行奉

硃批戶部查議具奏

請秬稷並納疏

奏為句容縣漕糧應請秬稷並納恭摺

奏祈

聖鑒事竊照漕糧為

天庾正供米色最關緊要臣自上年到任正值各屬
開倉之際節次通飭慎選好米徵收交兌去後
茲據兼署江寧布政使江安督糧道湯藩詳稱
據句容縣申送徵收米樣查驗均屬乾潔圓泛

惟其中間有秈米攙雜飭據該府縣查覆句容
環山抱麓連年被旱之後地土乾燥田無積水
秈稻性稍耐旱民間種植未免秈多稞少且歷
被災歉民力未紓若令越境換米完漕不惟苦
累堪憐抑且遲延悞運由道摘傳糧戶人等查
訊僉稱委係格於天時限於地勢並無捏飾現
在交米花戶衆多未便勒令換交應請援例將
本年正增概准秈稞兼收等情詳請具

奏前來臣查漕運則例句容縣漕米雍正十年咨
准秬稷並收又嘉慶九年江省各屬歉收欽奉
上諭徵收漕糧倘有實在不能純淨之處不必苛求如
秬稷等項皆可酌量收兌等因欽遵在案是該縣漕
糧向曾秬稷並納近因連歲被旱地土乾燥上
年雖全境成熟而產米未能一律民力亦未充
裕係屬實在情形相應援例

奏明將句容縣道光二年漕米無論正增概准秬

稔兼收以示體恤而速漕運仍飭該縣於秬稷
之中務選乾潔好米交幫毋使稍有潮嫩謹會
同協辦大學士兩江總督臣孫玉庭漕運總督
臣魏元煜合詞恭摺具

奏伏乞

皇上聖鑒奉

硃批知道了

漕船請改道行走疏

再松江府屬吳淞江為重運糧艘經由要津茲據蘇松糧道宋如林蘇松太道龔麗正稟稱該處河道因去歲秋冬雨澤稀少太湖來源不旺以致清水不敵江潮間有淤淺處所重運難行所有上海南匯川沙三廳縣漕船應請循例改道黃浦泖湖行走等情稟請具

奏前來臣查嘉慶二十及二十一二三等年前撫

臣因吳淞江河道淤淺先後

奏准改由黃浦泖湖行走並無阻滯貽悞今據該道等查明吳淞江間有淤淺之處委因上年秋冬雨澤稀少太湖來源不旺所致請將上海南匯川沙三廳縣重運漕船改由黃浦泖湖行走自可仿照成案辦理現值催趲漕船跟舫北上之時未便稍緩當卽飛飭糧道督令經過各縣小心防護照例黏貼印花並令該廳縣捐雇本

地小船妥為引導並就近派撥文武員弁分段
照料以期妥速前進惟查吳淞江於嘉慶二十
四年挑濬完工甫經四載因何復有淺阻之處
是否實因來源不旺以致一時未能通暢抑係
原挑不實必須再加疏浚自應確切查辦除飭
該管道員督同府縣將淤淺處所逐一履勘妥
議詳辦另行具

奏外臣謹會同協辦大學士兩江總督臣孫玉庭

漕運總督臣魏元煜附片具

奏伏乞

聖鑒奉

硃批詳查妥議不可稍有浮冒不實之處

審明叅員稟許知府同知疏

奏為遵

旨審明定擬具

奏事竊照叅革常州府通判王慶椿被武陽鹽商
韓榮昌等控告索規擾累訊明已結後復稟許
承審知府聽情包庇並牽控前署常州府丁憂
同知授意囑託一案經前撫臣魏元煜會同臣
孫玉庭

奏叅分別革職解任質審欽奉

諭旨這所叅被控索規擾累之常州府通判王慶椿
着革職被揭聽情包庇之蘇州府額騰伊及授意
囑託署常州府知府同知倉斯陞着一並解任交
該督撫提同全案人證悉心研鞠勿令疎縱按律
定擬具奏倉斯陞現在丁憂着畱該省備質欽此
遵卽行司傳

旨欽遵辦理飭提全案人證解蘇委審嗣因署藩司

陳廷桂核轉在先應行迴避改委常鎮道王賡
言會審以此案由於查驗秤桿加重而起必須
較對浙省烙印之秤以定有無輕重分別是非
因先後咨催浙江運司委員齊帶嘉關烙秤到
蘇與王慶椿原提武陽公棧及王元泰鹽店秤
桿並蘇郡棧秤厯次稱驗鹽包斤重均屬參差
不一然嘉關烙秤及蘇郡棧秤稱驗加二灑帶
鹽包至重者不出四百五觔輕者在四百觔十

二兩及八九十十餘兩不等按浙省鹽誌每引
額重三百三十五觔加以灑帶積引六十七觔
共該重四百二觔今稱驗加引鹽包至重者僅
多額引三觔而不足額引之包亦復不少牽算
並無夾帶重觔情弊惟以烙秤加足四百二觔
之砵較對棧店各秤只合三百四五十觔以上
皆逾每觔十六兩之數訊之各商僉供部頒鹽
砵係庫平每觔十六兩重於市平一兩棧店各

秤從前原係照額重三百三十五觔較釘因嘉
慶二十五年奉文加二灑帶經浙運司諭照舊
秤申算毋庸另請烙發而舊秤桿短不能外申
隨遣夥攜帶秤錘赴杭至陸鴻遠秤店內就舊
秤改釘因秤花難移卽另配秤桿將加二灑帶
六十七觔分兩暗貫於額重三百三十五觔數
內以致秤花增重其實仍合加引四百二觔之
庫砧此秤為在場稱細毛鹽及到地抽驗鹽包

以杜船戶偷漏至過所改細則鹽院親臨用庫
貯銅砧稱掣不能夾帶重觔在岸發賣零售更
無需此大秤至庚辰年配秤而註戊寅己卯因
錘係各該年鑄就是以該匠亦於秤桿照釘年
分前供就舊秤改釘秤花實因年分在奉文灑
帶之前畏咎飾混其王慶椿以銅盤小秤指為
輕秤現驗已屬兩截廢秤且錘小盤大迥不相
符當時呈明王慶椿加封自註廢秤字樣亦無

重入輕出之事等供提訊王慶椿負氣不服查
伊親供稱有商人王國士寫有親筆暗中重飭
字據飭令呈驗抗不繳出其所控得受鹽規嚴
訊亦無指證據現任藩司王輅會同該道王賡
言審明知府同知並無包庇聽情及請囑情事
王慶椿向商索借銀兩每年得受洋錢一百元
屬實錄供按律詳解臣等親訊並聲明棧店各
秤與嘉關烙秤較驗不甚符合請於提勘後將

各商與秤桿解浙查辦等情具詳臣等先後提
訊各供大畧相同當諭王慶椿既執有王國士
暗加重飭憑據正應呈出追究何反存匿隨據
該革員呈出查核與該商韓榮昌等原供加二
灑帶分兩暗中貫於額引飭重數內之語相同
並無夾帶情弊可指訊之王國士供無寫給字
據當令比對筆跡不符詰訊王慶椿復稱字係
王國士於公棧房內掣出不知是否係其親筆

已屬前後矛盾即使係王國士所給亦無關於
獎竇臣等查奉文加二灑帶其釘鹽秤本應加
於額觔之外不應貫於額觔之內致令每觔暗
加分兩自貽疑竇但供此秤係網驗毛鹽及到
地抽驗以杜船戶偷漏其過所掣摺則由鹽政
按臨用庫砝稱掣無從夾帶重觔出所是棧店
秤桿分兩雖增而運岸鹽包並無加重王慶椿
不悉此情無怪疑為夾帶致涉紛擾但該商等

所供運司諭用舊秤申筭毋庸另請烙秤及遣
夥赴陸姓秤店改配秤桿並秤錘先鑄年分因
而秤桿亦卽照釘各情究屬一面之詞至該秤
雖經浙省委員齎帶烙秤較對究未提取掣鹽
部砝確較尚難徵信案經在江審辦自應咨取
秤匠確供飭查加二申筭案據調取部砝核較
以成信誠未便咨歸浙省查辦惟浙省鹽砝須
隨時掣用不便隔省調驗因思淮南掣所銅砝

同一部頒儘可就近提取確較當卽分別移行
查調隨據淮南監掣廳送到銅鈹天平臣孫玉
庭提齊兩造人證當堂較驗將部頒掣砝配足
四百二觔核較王元泰店秤適合三百三十五
觔與該商所供加二灑帶分兩暗貫於額引數
內之語符合惟較武陽棧秤合部砝分兩稍重
自係釘花不能如法合式且旣內貫加二自應
釘至三百三十五觔而止何以到梢俱四百觔

詰據各商回稱鹽包裝船運岸貯棧有乾潮之分即有輕重之別凡在上面者包乾而輕在下面者受潮而重總以牽算不出額重引數為準是以須多釘數十觔以備稱用實無別情並准浙江撫臣帥承瀛咨復飭訊秤匠陸鴻遠供詞及前運司諭飭申算各情均與武陽商人韓榮昌等在江所供無異其嘉所陳鹽實係前鹽政廣泰提帶部砵親臨掣掣等因前來隨覆提研

訊如王慶椿所稟吳恒聚等誣稱縱差滋擾修
署借銀污辱官長一節查吳恒聚係屬浙商先
經提蘇查訊供係照武陽韓榮昌等控詞稟明
浙鹽院咨行查辦自有韓榮昌等可問無須將
伊羈候卽先釋回辦公茲審據韓榮昌等供稱
伊等在武陽開設棧店運銷浙鹽王廳官藉委
查鹽務兩次帶役赴棧店稱鹽因秤桿分兩加
重商人王國士回明暗貫加二灑帶原委王廳

官又在元泰店內搜查廢棄小秤並提鹽封帶
回署指為重入輕出後又出示令八邑軍民買
食重秤鹽飭以致商業難安是以稟控滋擾王
廳官於嘉慶二十一年七月到任後令差役毛
陞向商店稱欲修署索借洋錢五十元繼稱不
敷又令毛陞同家人顧姓續借五十元嗣後每
年向借百元分夏冬兩季致送算作幫助至道
光元年止除經出差外先後共送過洋錢五百

元是伊等所控滋擾借銀並非誣辱訊之該通
判衙門書差吳秉彝毛陞等僉供本官索借得
銀前在蘇府供係賞給緝私巡費取有領狀實
屬捏造該巡快等實未得遇質之王慶椿供稱
查出大小秤桿重入輕出是以封秤出示其商
給洋錢自認收用並未賞給鹽快屬實又所控
署常州府事同知倉斯陞授意請託並宴會商
人收受陋規一節據王慶椿以倉斯陞曾移該

革俸俾令還秤並吊銷告示指為挾同徇私以
證授意請託其宴會得規以武進縣汪世梓曾
向言及為證當審據倉斯陞供稱伊奉委署理
常郡王慶椿藉委查鹽赴棧提秤被各商指控
紛擾稱欲退業伊正移行廳縣查覆嗣署巢洞
宋道過常與商環叩將王慶椿申飭在浙甲商
吳恒聚稟控本省鹽院移咨飭將引秤給還商
人並飭銷告示是以移行吊銷並非挾同徇私

王慶椿被控撤任委審與伊無涉何用向委員
授意請託伊奉委署府印原蒙上司知其平日
居官束身自愛從不輕於接納並無宴會商人
收取陋規之事該革倖所指聞自汪令前經兩
司調省質對毫無影響王倖又以商人趙楷曾
向告知府縣均有鹽規趙楷等現在案下愿與
質對等語隨提趙楷及衆商追問僉供王慶椿
藉修衙署向借求幫是以致送至於府縣並無

致送陋規常郡銷鹽向來不旺商力疲乏課本
本形短少焉有多銀餽送府縣該商趙楷並未
向王慶椿告有陋規之說質之王慶椿惟稱伊
等推賴並無別有確證可指又如所控知府額
騰伊聽情包庇相與為姦一節查閱王慶椿親
供先以額騰伊不提浙商不請浙江鹽砵較比
惟與幕友吳姓憑臆定案繼又指其刪改文卷
毀鏹秤桿為聽情包庇之證隨審據該府供稱

伊承審此案因較驗引秤輕重不符曾請調鹽
砵較對奉浙運司飭知部頒鹽砵貯庫為閩所
掣放引鹽而設不便出庫將嘉關烙秤委員齎
帶赴常抽稱引鹽核與加二灑帶額重飭數有
絀無盈是棧店各秤分兩雖增而鹽包並無加
重毋庸再提浙商拖累其鹽砵曾請而未發並
非不請比較且已提到嘉秤較出棧秤分兩據
實詳辦毫無偏徇案既審定自應交幕友敘詳

並非憑臆定案王慶椿被控與同知倉斯陞無涉彼既無用請託伊亦何用聽囑至臬司飭委王慶椿查鹽文劄雖裝敘遵

旨嚴禁夾帶而委審司札祇敘該叅員與鹽商互稟情由是以詳內只敘王倅奉委查鹽未及沉叙原札至於商人暗申秤花本屬錯謬於詳內聲明銷毀案結後當堂刮鏢如果明知商人有弊欲為毀秤滅跡何不全行鏢削現驗秤花朗然

可見毫無枉斷之心惟於商人因奉文加二配
釘秤桿捏供就舊秤改釘並於王慶椿自行得
受商人鹽規並非賞給鹽快未能審出實情此
係伊承審疎忽等供質之王慶椿亦不能再有
強辯復訊其委署柘林通判因何繳委並因何
於司堂擊鼓據供前任柘林通判承辦木植請
領銀兩須用印信未能接署是以稟繳文札至
司堂擊鼓因大小各官稟見皆見伊兩次稟見

未見恐為閹人所阻故而擊鼓並非藉圖挾制
以上各情逐一嚴審各據供悉前情覆訊官商
人等堅稱並無請囑帶私致送府縣陋規情事
矢口不移似無遁飾查律載官吏求索借貸所
部內財物計贓准不枉法論又律載有祿人不
枉法贓折半科罪五十兩杖六十徒一年又例
載曾經考覈被劾人員懷挾私忿撫拾察覈官
員別項贓私奏告以圖報復者不分現任去任

文武官俱革職為民奏告情詞不問虛實立案
不行又挾制官府及將曖昧不明姦賊事情污
人名節報復私讐者文武官俱革職各等語此
案王慶椿因被審官詳請記過撫拾聽情包庇
及該管署府得規請託虛詞稟報以及繳委擊
鼓實屬逞忿浮躁例應革職惟向鹽商借索受
財入已訊係情求幫助並非強勒自應按律計
贓科罪查王慶椿自嘉慶二十一年到任起至

道光元年卸事止歲借洋錢百元內除兩季出差辦餉期內未經得受外共先後得過洋錢五百元俱在嘉慶二十五年八月二十七日

恩詔以前所得洋錢應擬罪名例准援免毋庸並計其二十五年冬季及道光元年夏冬兩季共得受洋錢一百五十元折實庫平紋銀一百八兩應依折半科罪計贓五十兩以上杖六十徒一年律應杖六十徒一年至商人韓榮昌王元泰

雖訊無營私夾帶情事惟於棧店各秤奉文灑帶違不外申秤花乃於額重飭內暗增分兩殊屬違例應各照違

制律杖一百韓榮昌卽韓棣係武進縣監生王元泰卽王壽祺係安徽歙縣廩生均分別咨斥示儆仍追監照送銷蘇州府知府額騰伊奉委審辦此案訊無聽情包庇情事惟於王慶椿收受商人幫助銀兩未能究出實情例有失出徒罪

處分應請

旨交部照例議處前署常州府知府倉斯陞訊無授
意囑託及宴會得規情事應毋庸議該員現在
丁憂應令回籍守制嗣後該商等赴場綱鹽及
到岸稱驗鹽包需用秤桿均照浙省掣鹽部砑
較準庫平每觔十六兩一體烙發行用以昭畫
一而杜疑竇現在棧店各秤及廢壞小秤概行
銷燬除備敘全案供招咨部外合將審擬緣由

恭摺具

奏伏乞

皇上聖鑒勅部議覆施行奉

硃批刑部議奏

請修碭山縣護城隄工疏

奏為碭山縣護城隄工刷塌殘缺亟應修培堅固
以資保衛恭摺仰祈

聖鑒事竊照徐州府屬碭山縣濱臨黃河城垣之外
週圍有護城隄一道迤北相距大隄八里竄關
緊要嘉慶年間劬工唐家灣李家樓三次黃水
漫溢逼近城垣幸賴護城隄攔禦得以保全現
在隄外四面地俱淤高城垣形同釜底隄根刷

有河形宣洩本境及河南虞城縣夏秋雨水隄
內有城河一道因地勢低窪積水經年不消以
致隄根內外被淹風浪冲刷坍塌甚多前據該
縣具詳上年八月黃水異漲隄高水面僅二三
尺間城居民因城內地勢極低護城隄未經修
培不足攔禦甚為危懼今黃水歸槽士民紛紛
籲請趕修護城隄工以資保衛該縣據情稟詳
當經批飭藩司委員確勘估辦茲據前署江寧

布政使湯藩詳據署碭山縣知縣林大惠會同
委員署蕭縣知縣陳潞逐一履勘工分四十二
段通長一千四百十七丈搏節確估共需土方
工銀二萬一千七百十八兩六錢九分四釐造
冊具結並聲明此項方價銀兩例應歸民修辦
該縣連歲歉收民情拮据應請借項給修分作
八年攤徵還欸以紓民力由該管府道遞勘加
結移轉實係抵禦黃漲保衛城垣生靈刻不可

緩之要工聲請在於司庫正項銀內照數動撥
趕辦等情詳請具

奏前來臣等伏查該縣濱臨黃河全賴護城隄工
保衛闔邑城郭居民所繫甚重旣因年久隄根
刷塌殘缺難資捍禦自應及早修培以期鞏固
察核情形洵屬目前至要之工現當青黃不接
之候災區貧民正可藉資傭趁臣等不敢拘泥
貽誤已飭藩司動撥銀兩責成徐州府督令該

縣趁此春和農隙廣集人夫照估如式加高培
厚工竣報候委員驗收如有草率偷減卽從嚴
叅賠以期工歸實用費不虛糜至該縣地方災
歉頻仍民情積苦所有借動工需應請酌寬期
限合無仰懇

皇上天恩俯如所請分作八年在於闔邑民田攤徵
還款以紓民力感激

鴻慈實靡有旣除飭取估計及起限攤徵冊結另詳

題報外謹會同河臣黎世序合詞恭摺具

奏伏乞

皇上聖鑒訓示

審擬阜寧縣民吳超宗京控疏

奏為遵

旨審明定擬具

奏事竊前准步軍統領衙門咨據阜寧縣民吳超宗呈控左亦衢左芹父子隱匿高地錢糧縣書裴瓚等侵吞賑濟等情一案奏奉

諭旨此案着交孫玉庭魏元煜親提人證卷宗秉公研審定擬具奏原告吳超宗該部照例解往備質

欽此遵卽飭行江寧藩司委提人卷訊錄供詞
詳解親勘隨據查核卷宗吳超宗屢次赴京控
告總以左亦衢將高地捏報低窪冒減糧地為
詞牽及書差串吞賑銀節經前督撫臣審明治
罪發配及徒滿釋回復控審擬枷杖茲又砌控
前情查得被告左亦衢已故非委員押同吳超
宗左芹再詣該地確切勘明定其應否陞復賦
額不足以折服其心先委淮安通判詣勘情形

未得切實復委江寧府北浦通判羅心源會同該縣王錫蒲勘明吳超宗所控左芹減地在昔實係低窪應減近因築堰加培堪可種植陞賦並查明所借籽種口糧實經發領各有借領在卷並無書差串吞不發情事繪具圖結稟覆並據藩司張志緒督同加道銜江寧府知府余霈元等審解前來隨同核案情卽由臣孫玉庭就近親提研鞫如所控阜寧窪地奏准減免糧額

高地仍舊交糧左亦衢賄通經書鞠履台捏報
窪地二十九頃將糧減去屢控委勘仍令完糧
左亦衢已故其子左芹仍捏報窪地總不完糧
一節覆核原案審明阜邑低窪積水無收之區
於嘉慶二年奉文查辦減則吳超宗左亦衢各
自赴縣呈報委員勘明左亦衢地內准減二十
九頃九十二畝零吳超宗地俱高阜不准減則
吳超宗因地未准減恐疑書差作弊且聞左亦

衢將報減地五頃四十餘畝賣與夏全管業仍
載大糧字樣不知立契在未奉准減部覆之前
不能卽註減則而吳超宗誤執不服以致旣結
屢翻及審虛擬徒年滿釋回復見左芹在報減
地內佈種有收因而復控茲委員勘明左芹故
父左亦衢報減地畝坐落該縣憂梁河西岸東
南一帶逼近河涯實屬低窪惟迤西較高現種
二麥臨河築有長堰訊據附近居民供稱此堰

實係左亦衢在日挑築保護田疇昔日地本低窪應減今越二十餘載節年加培漸形淤阜訊據左芹供稱報減窪地因築堰培護始漸有收今被吳超宗疊控不休情愿一律復賦質之吳超宗亦稱左亦衢地畝在昔低窪應減經左芹父子培護成熟可以復賦乃仍照舊減糧是以控告今蒙勘實斷令陞復賦額情已輸服不敢再控至詞內牽列委員勘訊勒結及左芹賄賂

司書獎捉收管等詞均無憑據可指實屬懷疑
誣告又如所控嘉慶二十五年籽種口糧書吏
並未散給災民道光元年口糧未給一半籽種
亦未散給是冬加給一月延至今春始放每戶
一二三口每口關領一百五十五文蠹書戴竊
年等任意剋扣舞弊或賣票或詭名現有李春
臺一戶給票九百十七張蘇克明控案條河里
實戶二千零書吏報縣四千七百零一節控關

書吏弊吞賑卹尤應徹底查究覆核嘉慶二十五年及道光元年該縣因災請借籽種口糧均經詳明借領貧戶田在十畝以下者籽種口糧並借二十畝以下但借口糧不給籽種每戶以三口為率總以有無借領為憑不能憑空散放元年冬賞口糧經知縣賀雲舉按照摺報銀價每庫平一兩易錢一千零三十文每大口給銀一錢五分合錢一百五十四文半該縣捐足尾

零散給是呈內所指每口關領一百五十五文
並未短扣又元年春間計叅知縣周右分別災
田熟田復請酌給籽種口糧於五月內委員解
銀到縣維時成熟村莊因二麥登場諮詢鄉農
不愿領借將銀繳還司庫並非書吏侵吞不給
今吳超宗或稱全未散給或稱未給一半之處
必須指出憑據方可徹底究追隨先提吳超宗
詰訊卽據供明伊此次京控總因左芹減糧地

畝漸次成熟尚未復賦是以始終不甘必求勘
明辦理至伊牽控縣書裴瓚等侵吞籽種口糧
不散實因伊住裴橋里連年涉訟田已賣盡家
僅五人伊父子常不在家故節年籽種口糧均
未借領所有本縣續請借項因鄉農不愿再領
仍將銀兩解還司庫是以未散伊未悉情由誤
疑書吏弊吞牽連控及至承領各戶曾否全數
領得抑止領一半只求吊核縣中各戶領狀自

明又所控蠹書戴鶴年等任意舞弊剋扣賣票
詭名係因聞李春臺一戶給九百十七張蘇克
明卽舒克明在縣具控條河里實戶二千浮報
四千七百零是以如此砌告希圖聳聽今蒙諭
知李春臺已因京控另案審出特強勒索實情
從重究辦蘇克明條河里卽調和里有上下兩
圖經委員帶同戶書戴聯芳等查明兩圖貧民
共四千五百九十一戶並冊造報蘇克明只知

所注上圖正有二千貧戶誤控浮報已經淮安府訊明詳覆此是伊誤聽人言牽告並非有心等語覆核吳超宗於道光元年六月赴京翻控捏報減糧案內牽及縣書裴瓚等侵吞口糧賑濟先經前撫臣魏元愷提蘇委員審明誤控屬實擬以枷杖並無籽種口糧未放斷令全給之事質訊書差裴瓚唐又杰戴鶴年等僉供並無朦混侵吞且伊等被吳超宗控提在省直至道

光二年春間始得回縣元年冬間所請口糧其
時尚在蘇省並未承辦何能侵吞只求詳察等
供並據被控之縣差楊元等亦各供並未差辦
賑務實被牽累調核放過籽種口糧各鄉里領
狀均核與詳報散放銀數相符以上各情反覆
質詰矢口不移似無遁飾查吳超宗因左芹承
父遺業減糧地畝加培漸熟屢控冒減復以近
年該縣被災頻邀賑貸該原告常因涉訟在外

未得借領籽種口糧誤聽蘇克明浮報貧戶傳
言牽連砌告雖究非憑空誣指實屬健訟為能
惟現在委勘地畝應行陞科復賦情稍可原應
請免其枷號仍照不應重律杖八十折責發落
李春臺勒給賑票已另案從重擬軍蘇克明在
本省控告浮報戶口訊由誤疑所致其誤執妄
控亦應擬以重杖發落左芹訊非欺隱地畝錢
糧應與本案訊無侵扣之書吏裴瓚等均免置

議所有勘明復賦地畝飭縣查明原額科則造具項畝冊結專案詳請照額徵解至詞牽災民與戶書戴鶴年等因查災毆鬪現據竈戶劉為封赴京控告該書等因災索費經提督衙門奏交臣韓文綺督同臬司審辦業已飭提人卷俟解審究明另結除備錄全案咨部外合將會核審擬緣由恭摺具

奏伏乞

皇上聖鑒勅部議覆施行奉

硃批刑部議奏

特叅疎脫要犯之知縣典史疏

奏為特叅玩視監獄疎脫要犯之知縣典史請

旨分別革職畱任以肅

功令事竊照監獄重地理應防範嚴密不容稍有

疎虞茲據武進縣知縣汪世澤稟稱前獲疊劫

盜犯薛三麻子即索老訊供通報應行覆審擬

解收禁內監本年三月初一日卯刻據典史顧

長清稟稱二月二十九日夜風雨大作監犯薛

三麻子乘禁卒人等睡熟扭斷鐐銬扳脫柵木
由厨屋用橙搭靠監牆越出逃逸追緝無踪等
情隨卽親詣監所查看柵內有扭斷鐐銬一副
木柵扳脫一根厨屋瓦片有踹碎形跡訊據刑
禁人等僉供並無賄縱情弊合先通稟等情臣
等查薛三麻子係山東東平州人在武進縣屬
地方起意疊劫事主沈起鯨徐玉有兩次行船
衣物並在山東拒毆東平州捕夥李白落河身

死業據武進縣訊認通詳按律應行斬決之犯
雖尚未覆訊成招該有獄管獄各官自應督率
刑禁人等加意看守乃竟漫不經心以致該犯
越獄脫逃殊屬廢弛據藩臬兩司暨該管道府
詳叅前來相應恭摺具

奏請

旨將有獄官武進縣知縣汪世澤照例革職畱任勒
限緝拏管獄官武進縣典史顧長清革職拏問

以憑提同刑書禁卒人等及同案盜夥解省嚴
訊有無得賄故縱情事按律辦理一面飭屬上
緊勒緝逃犯薛三麻子卽索老務獲究辦所有
監犯越獄緣由謹合詞恭摺具

奏伏乞

皇上聖鑒訓示再典史顧長清叅革遺缺應歸部選
江蘇現有應補人員例得畱外遴員請補合並
陳明

請展緩徐海等屬糧賦疏

奏為徐海等屬災歉地方熟田應徵糧賦恭懇

聖恩分別展緩以紓民力事竊照江淮等屬各州縣
衛上年被水被旱成災及勘不成災田地應徵
緩帶一切錢糧及本年新賦先經會摺

奏明照例分別蠲緩賑濟撫卹嗣奉

諭旨飭查今春應否接濟又經飭司確查上年成災
並勘不成災各州縣衛乏食貧民奏懇

恩准展賑並蒙

加賞一月口糧各處災黎疊荷

皇仁均已餬口有資無虞失所續據徐州府稟稱徐屬之蕭縣碭山二縣田地及徐州衛坐落蕭碭二縣屯田上年全境災歉並無應徵熟田錢糧其餘銅山豐縣沛縣邳州宿遷睢寧六州縣並徐州衛坐落銅豐二縣未被災成熟田地均與災區毘連民情拮据新舊糧賦及攤徵河工等

款難以按忙啟徵並據海州詳請將本年上忙
應徵熟田新賦並道光二年漕兵米價分別緩
徵又贛榆縣稟稱本年上忙帶徵道光元年分
災緩地漕等銀請緩至秋後帶徵又道光二年
分地漕等銀請暫緩至麥熟後徵收等情經臣
飭行藩司確查實在情形詳辦去後茲據江寧
布政使張志緒查明銅山豐縣沛縣邳州宿遷
睢寧海州贛榆八州縣並徐州衛熟田均與災

區毘連民情拮据新舊糧賦難以輸納委係實在情形詳請具

奏前來臣復加體察銅山等八州縣並徐州衛坐落銅豐二縣上年成熟村莊或與災區毘連或係頻年積歉卽有薄收之處小民僅資餬口若新舊糧賦按忙啟徵當此青黃不接之時民力實有未逮合無仰懇

皇上天恩將銅山豐縣沛縣邳州宿遷睢寧海州